

## 每週經課朗誦經文(巴克禮漢羅/教羅)2012/09/23

### 共同經課 - 1 箴言三十一章十節~三十一節

10 有 chài-tek ê 婦人人 chī-chūi oē chhē-tiòh ah? 伊 ê kà-直大大贏過寶石。11 伊 ê 丈夫 ê 心 oá 靠伊, Lóng 無欠缺財利。12 1 世人 ê 日, Hō 丈夫有利益無損害。13 伊 chhē 綿羊 ê 門 kap iù-moá, 甘心用手做工。14 伊親像 seng-lí 船, Tùi 遠遠運伊 ê 米糧來。15 天 bē kng, i 就起-來, 用食物分 hō 家內 ê 人; 將應該做 ê 工分派奴婢。16 伊 chim-chiok 看田園, 就買伊; 用伊 ê 手所 thàn-ê, 來栽種葡萄園。17 伊用氣力 hà 腰, Hō 手骨 giám 硬。18 伊知所經營 ê 有利益; 伊 ê 燈 thong 暝無 hoa。19 伊 ê 手 thèh àk-á, 伊 ê 手-心岸 pháng-chhia。20 伊出手賑濟艱苦人; 伸手幫贊 sòng-hiong 人。21 伊無因為落雪, 為家內 ê 人掛慮; 因為全家 lóng 穿朱紅 ê 衣服。22 伊為家已做 súi ê 毯 á; 伊所穿 ê 就是幼苧布 kap 紫色 ê 布。23 伊 ê 丈夫 tī 城門口人人 bat 伊; 因為伊 kap 本地 ê 長老相 kap 坐。24 伊做幼苧布 ê 衣裳去賣; Koh 將腰帶賣 hō seng-lí 人。25 氣力 kap 威儀是伊 ê 衣服; 伊想 tiòh 將來 ê 景況, 就歡喜笑。26 1 開嘴就講知識 ê 話; 伊 ê 舌有仁慈 ê 教示。27 伊 chim-chiok 看家內 ê 事, 無食閒飯。28 伊 ê kiá<sup>n</sup> 兒起來稱伊有福氣; 伊 ê 丈夫也 o-ló 伊, 29 講, Cha-bó-kiá<sup>n</sup> 好德行 ê choē-choē, 獨獨你 kài 第一 ê。30 好人才是虛假 ê, súi 也是空空; 獨獨敬畏耶和華 ê 婦人人 beh 得 tiòh o-ló。31 伊 ê 手所做 ê 效果 kui i; 伊 ê 工 tī 城門 beh o-ló 伊。

### 共同經課 - 2 詩篇一篇

1 無行 phái<sup>n</sup> 人 ê 計謀, 無 khiá 罪人 ê 路, 無坐侮慢 ê 人 ê 位, chit 號人有福氣。2 伊所歡喜 ê 就是耶和華 ê 律法; 暝日三思 ê, 也是伊 ê 律法; 3 伊 beh 親像樹栽 tī 溪邊, 照時結果子, 伊 ê 葉也 boē 乾去; 伊所做 ê 一盡興通。4 Phái<sup>n</sup> 人 m̄ 是 án-ni; 是親像粗糠 hō 風吹散。5 所以 tī 審判, phái<sup>n</sup> 人 khiá-boē-tiâu; 罪人 tī 義人 ê 會中, 亦是 án-ni。6 因為耶和華知義人 ê 路, 若是 phái<sup>n</sup> 人 ê 路會滅無。

### 共同經課 - 3 雅各書三章十三節~四章三節、七節~八 a 節

13 Lín 中間 chī-chūi 有智慧見識 ê ah? 就 tiòh 用智慧 ê 溫柔, tùi 好 ê 品行, 來顯明伊 ê 所行。14 Lín 心內若勸惡毒 ê 怨妒 kap 相爭, 就莫得誇口, 莫得白賊來逆真理。15 Chit 號智慧 m̄ 是 tùi 頂面來 ê, 是屬 tī 罪, 屬 tī 血氣, 屬幾個款。16 因為 tī 甚麼所在有怨妒 kap 相爭, 就 tī hia 有擾亂 kap 一切 ê phái<sup>n</sup> 事。17 獨獨 tùi 頂面 ê 智慧, 一是清潔, iáu-ê 是和平、溫柔、好商量、有憐憫 kap 好 ê 果子滿滿, 無偏袒, 無假好。18 Koh 義 ê 果子是在 tī 和平, kā 行和平 ê 人來種。1 Lín 中間 chiah-ê 爭戰 tùi tá-lóh 來, chiah-ê 相爭 tùi tá-lóh 來? Kiám m̄ 是 tùi lín ê 宴樂, 交戰 tī lín 百體中 ê, 來 mah? 2 Lín 貪婪, 也無所有; lín thài 人、怨妒, 也 boē 得 tiòh; lín 相爭爭戰; lín 無所有, 因為 lín 無求。3 Lín 求也無得 tiòh, 因為 lām-sám 求, 是 beh 開用伊 tī lín ê 宴樂。7 所以 lín tiòh 順服上帝; 也 tiòh 抵敵魔鬼, 伊就走閃 lín。8 親近上帝, 伊就親近 lín。Lín 犯罪 ê, tiòh 洗 lín ê 手。

### 共同經課 - 4 馬可福音九章三十節~三十七節

30 In tùi hia 去經過加利利, 耶穌 m̄ ài 人知。31 因為伊教示伊 ê 學生, kā in 講, 人子 beh 受解送 tī 人 ê 手, 人 beh 害死伊; 害死了後三日 beh koh 活。32 In boē 曉悟 chit-ê 話, 也 m̄ 敢問伊。33 In 來到迦百農, 耶穌 tī 厝內問 in 講, Lín tī 路裡議論甚麼? 34 學生靜靜, 因為 tī 路裡 bat 爭論 chī-chūi 最大。35 伊就坐 teh, 叫十二個學生, kā in 講, 若 ài 做事先 ê tiòh 做眾人 ê 路尾, 也做眾人 ê 差用。36 Koh chhoā 一個 gín-ná, hō 伊 khiá tī 中間, 續抱伊; 37 kā 學生講, 見若為 tiòh 我 ê 名接納一個親像 chit 號 ê gín-ná ê, 就是接納我; 見若接納我 ê, m̄ 是接納我, 就是接納差我 ê。